

**შაჲთაისის საჭარო ბიბლიოთეკის წელიწლეული**  
**ANNUAL OF KUTAISI PUBLIC LIBRARY**

IX

2017

## ნორა ნიკოლაძე-ლომისიანიძე

### სვანერი ლეგენდები და წეს-ჩვეულებები

ლეგენდა არის ფოლკლორის სრულიად დამოუკიდებელი ჟანრი, რომელიც რელიგიურ რწმენას ემყარება და ფანტასტიკურ-სასწაულებრივ ამბავს სინამდვილის სახით გადმოგვცემს.

სამეცნიერო ლიტერატურაში ლეგენდის შესახებ მცირე ცნობები მოგვეპოვება. ამის მიზეზი ის უნდა იყოს, რომ ლეგენდას ზღაპრის სახესხვაობად განხილვდნენ, რაც არასწორია. მიხეილ ჩიქოვანმა ზღაპრის სხვა ჟანრებს შორის ლეგენდას თავისი კუთვნილი ადგილი მიუჩინა (მ. ჩიქოვანი, 1938, გვ. 10-14).

ლეგენდის წარმოშობა ადამიანთა საზოგადოებრივი ცხოვრების უძველეს ეპოქას მიეკუთვნება. ცნობილია, რომ შუამდინარეთის ხალხებს ჯერ კიდევ მესამე ათასწლეულში (ჩვენს წელთაღრიცხვამდე) მოეპოვებოდათ ლეგენდები.

“ლეგენდა თავდაპირველად აღნიშნავდა წმინდანების “ცხოვრებისა” და “ვნებების” ნაწყვეტებს, რომლებიც ამ წმინდანებისადმი მიძღვნილ საეკლესიო მსახურებისა და მონასტრული ტრაპეზის დღეებში იყითხებოდა” (ქართული ფოლკლორი, 1974, გვ. 230). შემდეგ იგი გამოყენებულ იქნა როგორც ქრისტიანული, ისე არაქრისტიანული რელიგიურ-დიდაქტიკური მოთხოვნების აღსანიშნავად. გარდა სასულიერო მოღვაწეებისა, ლეგენდას ხშირად ერისკაცებსაც — მეფეებს, დიდ ფეოდალებს, ხალხის სახელოვან ადამიანებს უკავშირებდნენ და მათ ცხოვრებას რელიგიურ საბურველში ხევვლნენ.

უნდა შევნიშნოთ, რომ მკვლევრები ლეგენდებში, თქმულებებსა და გადმოცემებში ყოველთვის სინამდვილის ანარეკლს ხედავდნენ. ილია ჭავჭავაძე ამ საკითხთან დაკავშირებით წერდა. “ეს ზღაპარ-ნარევი ამბები, ლეგენდები, თქმულებანი, რა თქმა უნდა, მოწმედ და საბუთად მოსატანი არ არიან რომელსამე ყოფილი საქმისა, ამ მხრივ იგინი ძალიან ცოტად დასაჭერნი და სანდონი არიან, მაგრამ ხშირად ამისთანა ამბებში ვპოულობთ ბევრს მართალს აღწერას ზნე-ჩვეულებისა” (ი. ჭავჭავაძე, 1941, გვ. 483). ამასვე მიუთითებს ვაჟა-ფშაველა: “ვგონებ, რომ ერთს თქმულებაზედ თვით ეპოქა მოქმედებს და ამიტომ ხდება, რომ ერთი შესანიშნავის საუკუნის შესანიშნავს მოვლენას ამბად, ზღაპრად, ლეგენდად, ან ლექსად გამოიტყვის ხოლმე” (ვაჟა-ფშაველა, 1956, გვ. 180). ეთნოგრაფი ბ. ნიუარაძე წერს: “ამგვარი გადმოცემანი ცოტად თუ ბევრად დაწერილი ისტორიის მაგივრობას სწევნ” (ბ. ნიუარაძე, 1962, გვ. 18). დიდი ქართველი მწერალი კონსტანტინე გამსახურდიაც ლეგენდის წყაროთმცოდნეობით ღირებულებას აღიარებს. მისი აზრით, “ყოველი ერის ისტორია ლეგენდიდან მოღის” (კ. გამსახურდია, 1965, გვ. 3) ანალოგიურ მოსაზრებას გამოთქვამს ჯუზებე კოკიარა წიგნში — “ევროპის ფოლკლორისტიკის ისტორია” (კ. კოკიარა, 1960, გვ. 78).

როგორც ცნობილია, ქრისტიანული რელიგია საქართველოში წარმართულ რწმენებსა და წარმოდგენებთან ბრძოლაში მკვიდრდებოდა და ყალიბდებოდა.

სალვოთო წერილებმა და აპოკრიფულმა ლიტერატურამ ნოყიერი ნიადაგი შეუქმნეს მრავალი ახალი ლეგენდის წარმოქმნასა და გავრცელებას.

ქართულ ფოლკლორში გვაქვს როგორც ქრისტიანულ-რელიგიური, ისე წარმართული რწმენის ამსახველი ლეგენდები. ი. ჯავახიშვილის ცნობით, “ზოგიერთი ლეგენდა კი ამ ორივე რწმენის უძველ კვალს ატარებს” (ი. ჯავახიშვილი, 1960, გვ. 43).

ამჟამად ჩვენი ინტერესის სფეროს შეაღვენს სვანური ლეგენდები და წეს-ჩვეულებები.

საერთოდ, ლეგენდები თემატიკის მიხედვით, რამდენიმე ჯგუფად იყოფა. არსებობს კოსმოგონური, აპოკრიფული, წარლენის, ისტორიული და სხვ.

სვანეთში მეტ-ნაკლებად ყველა მათგანი არსებობს.

სამყაროს საიდუმლოების ახსნას უხსოვარი დროიდან ცდილობდნენ ადამიანები, ასე შეიქმნა ხალხური კოსმოგონური ლეგენდები, რომლებშიც შეიძლება ორი ძირითადი საკითხი გამოიყოს: 1. სამყაროს წარმოშობა და პირველ ადამიანთა გაჩენა, 2. პირველი ადამიანების შეცოდება და მათი დასჭა.

ქართული ლეგენდის ლექსითი ვარიანტების მიხედვით, ლმერთის მიერ ქვეყნის შექმნის მოტივი ბიბლიურ ლეგენდას ემთხვევა. თითქმის ყველგან ლმერთია აქტივური ძალა, რომელიც სამყაროს ქმნის:

ლმერთო, შენი დაილოცოს საქორი და სამართალი,

გააჩინე ცა, ქვეყანა, ზედ გამართე მთა და ბარი

(ვ. ბარნოვი, 1964, გვ. 27).

ქართული ლეგენდის სვანური ვარიანტი შუმერულ ლეგენდას უფრო ეხმაურება, ვიდრე ბიბლიურს. შუმერული ლეგენდის მიხედვით, სამყაროს პირველსაწყისი წყალია, საიდანაც ჩნდებიან ლმერთები, შემდეგ კი ეს უკანასკნელნი ცას და დედამიწას გაჩენენ. სვანურ ვარიანტშიც “უწინარეს ყოვლისა, ქვეყნიერება წყლით იყო მოცული. ლმერთი კი თავდაბირველად ისე მოისუსტებდა, კინალამ წყალში დაიხრჩო” (“კავკაზი”, 1905, გვ. 3).

საგულისხმოა, რომ სვანურ ლეგენდაში, პოლითეისტური რწმენის კვალიც ჩანს, შემოქმედ ლმერთს მარტოდმარტო არ ძალუძი ქვეყნის შექმნა და სხვათა დახმარებას საჭიროებს. ლეგენდაში მოთხრობილია, რომ სამყაროს მოწესრიგებაში მონაწილეობას იღებენ ლმერთი, სამოელი, მიქელ და გაბრიელ მთავარანგელოზები. სამოელს თითქმის ლმერთზე მეტი დამსახურებაც კი მიუძღვის. მის უპირატესობაში მთავარანგელოზებიც არიან დარწმუნებულნი და გაჭირვების უამს უკანასკნელ იმედად მიიჩნევენ.

გავიხსენოთ შუმერული ლეგენდა. სამყაროს აქაც ლმერთა მთელი რაზმი აწესრიგებს, რომელთა შორის ბრძენ ეს მოწინავე აღვილი უჭირავს.

სვანური ლეგენდის ერთ ვარიანტში სამოელი გაცილებით ძლიერია ლმერთზე. აქ ლმერთი საქმაოდ უნდილად და არცთუ ჭკვიანად გამოიყურება:

ლმერთი, მიქელ და გაბრიელ მთავარანგელოზები გზაზე მიდიოდნენ. მათ წინ მრგვალი ქვა მიგორავდა. ლმერთმა თქვა: მოდი, გავტეხოთ ეს ქვაო. ანგელოზებმა დაუშალეს, ნუ გატეხავ, თორემ ბოლოს ვინანებთო. ლმერთმა არ დაიშალა, ჰერა ქვას ფეხი და შუაზე გახეთქა. ქვიდან სამოელი გამოვარდა, ლმერთს ყელში ეცა და მნამდე არ ჩამოეხსნა, სანამ “საუკუნო სოფელი არ ჩამოართვა”. ლმერთი ვერც მიხვდა თავის დანაშაულს, სანამ ანგელოზებმა არ

უთხრეს: ცუდი საქმე მოვიმოქმედეთ, ამიერიდან ყოველი კაცის სული მაგის ხელში იქნება. რასაც მიცვალებულს უკურთხებენ, ყველა სამოელს მიუვა და რაჯი ეს ადამიანებსაც ეცოდინებათ, ჩვენ ვინდა განგვადიდებსო (ზ. ნიუარაძე, 1962, გვ. 142).

სვანური ლეგენდის სხვა ვარიანტს ჩამწერის ასეთი შენიშვნა ახლავს:

“სამოელი-ერთი მთავარი ეშმაკთაგანი”. ჭერ ერთი, სვანური ლეგენდის სამოელს ისეთი რამ მიეწერება, რაც ეშმაკს არ ახასიათებს. მეორეც: ქართულ დემონოლოგიაზე დაკვირვებამ გვიჩვენა, რომ ეშმაკის სინონიმად იხმარება ეშმა, ქაჯი, ბელიარი, მავნე, ავი სული, ბოროტი სული, სატანა, ტარტაროზი, შაითანი, მაცდური, ბელზებილი... სამოელი კი არსად გვხვდება. ბიბლიური სამოელი არც ღვთისმშობელს ებრძის, არც ქრისტეს, არის ჩვეულებრივი ქურუმი და ბოროტი სულის არავითარი ნიშნები არ გააჩნია. მაშ რით ავხსნათ სვანურ ლეგენდაში სამოელის ხსენება?

ივ. გავახიშვილი მსჯელობს რა ქართველთა წარმართობაზე, აღნიშნავს, რომ “უეჭველია, უნდა ყოფილიყვნენ ყველა ტომთათვის საზოგადო ღვთაებანი და ამასთანავე თვითოვეულ ტომის თავისი საკუთარი ღვთაებანიც ეყოლებოდა; თანდათან ... განვითარების ან ერთ-ერთი ტომის გაძლიერებისა და დანარჩენებზე გაბატონების დროს, ზოგიერთი საკუთარი ღვთაებანი საზოგადო ხდებოდნენ და ამის გამო ზოგჯერ ერთსა და იმავე ღვთაებისათვის არამდენიმე სახელი არის ხოლმე შემონახული: ზოგიერთ მათგანს სხვადასხვა ტომის კერძო ღვთაებათა სახელები შერჩენია, ზოგი კი მეზობელთაგან არის შეთვისებული” (ზ. ნიუარაძე, 1962, გვ. 138).

ნ. შამანაძის აზრით, ბიბლიურ “სამოელს” სვანთა რომელიოდაც ტომობრივი წარმართული ღვთაებაა ამოფარებული. სვანებს ზოგჯერ უყვართ ქართული სახელის შეცვლა უცხოურით (ნ. შამანაძე, 1973, გვ. 24).

სვანური ლეგენდის ზოგ ვარიანტში ნათლად ჩანს წარმართობისა და ქრისტიანობის ბრძოლათა ანარეკლი. სამოელი, რომელიც სვანურ ლეგენდაში წარმართული ღვთაების სახეცვლილება უნდა იყოს, ხშირად თვალთმაჯცობს ქრისტესთან და რიგ შემთხვევაში კიდეც ატყუებს მას. ამ მხრივ საინტერესოა ლეგენდა სვანეთში ვენახის არგაშენების თაობაზე:

“იესო ქრისტეს რომ დაუვლია საქართველო, ყველგან უკურთხებია ვენახი. აქედან სვანეთისაკენ წამოსულა. შეხვედრია ტბაზე ეშმაკი. უკითხავს ეშმაკს. რატომ მობრძანდები აქეთო? ვენახი უნდა ვაკურთხოო. მე ვაკურთხე იქით ყველგან ვენახით, უთქამს ეშმაკს”; ქრისტე მოტყუებულა და უკან დაბრუნებულა” (ზალხური სიბრძნე, 1964, გვ. 245).

ამ ლეგენდის მეორე ვარიანტში ეშმაკის მიერ ქრისტეს მოტყუება კიდევ უფრო მეტ კომიკურ ელფერს იღებს. სვანეთში მიმავალ “ქვეყნის შემოქმედს” ცხენისწყლის ხეობაში ეშმაკი დახვდება, რომელსაც სვანეთში ვაზის ნაცვლად კოწახური დაურგავს. იგი ქრისტეს კოწახურის ნაყოფს აჩვენებს, აი, ამგვარი გავაშენეო, ამაზე უფრო წითელი და უკეთესი ყურძნის ჭიში არც მე გამიშენებიაო, ჩაილაბარაკებს ქრისტე და დაბრუნდება უკან (ე. არჭევანიძე, 1971, გვ. 176).

ქრისტიანობის დამკვიდრებისათვის წარმართულ რელიგიასთან ბრძოლის კვალი ნათლად ჩანს ერთ სვანურ წეს-ჩვეულებაში, რომელიც ბ. ნიუარაძეს ჩაუწერია. ამ წეს-ჩვეულებას თუ ღრმად და გონების თვალით ჩავაკვირდებით, შეიძლება, შემდეგი დასკვნები გამოვიტანოთ: 1. სვანი ხალხი უკანასკნელ

დრომდე ასრულებდა თავისებურ ღვთისმსახურებას, რომელიც მთავრობაშ აუკრძალა, II. მთავრობაშ იმიტომ აუკრძალა, რომ ქრისტიანულ რიტუალებთან ერთად იგრძნობდა წარმართული რიტუალის კვალიც, III. ქრისტეს მსახურისა და სამოელის როლების გათამაშება ქრისტიანობისა და წარმართობის ბრძოლათა თავისებურ ინსცენირებას წარმოადგენს, IV. სამოელის როლის შემსრულებელი რომ ეკლესიაში შედის, კარებს აწვება და ხალხს არ უშვებს, ეს ქრისტიანობის წინააღმდეგ წარმართობის უკანასკნელ ბრძოლათა სცენური განსახიერებაა, V. ეკლესიაში ხალხის ძალით შევარდნა და სამოელის როლის შემსრულებლისთვის მჯილების ჩარტყმა, წარმართობის საბოლოოდ დამარცხებას უნდა ნიშნავდეს.

როგორც ზემოთ აღნიშნეთ, სვანური ლეგენდის ჩამწერი სამოელს “ერთ მთავარ ეშმაკთაგანს” უწოდებს. ცნობილია, რომ ქრისტიანობის დამკვიდრების ეპოქაში წარმართობა ეშმაკობად იხსენიებოდა, წარმართული ღვთაებანი კი ეშმაკებად. ამას ადასტურებს ცნობა, რომელიც თან ახლავს ანტიოქიის საეკლესიო მსოფლიო კრების ძეგლის წერის ქართულ თარგმანს (ივ. ჭავახიშვილი, 1960, გვ. 88).

ეშმაკის ძირითადი მიზანია ხელი შეუშალოს ღმერთს მის ყოველ კეთილ საქმეში, აცდუნოს ადამიანი, ააცდინოს ჭეშმარიტ გზას, დააკარგვინოს სამოთხე და თავი ამოაყოფინოს ჭოჭოხეთში.

“ქვეყნის შექმნის” ქართულ ლეგენდაში შემოქმედ ღმერთთან ერთად ხშირად ეშმაკიც იხსენიება, მაგრამ ერთი რამაა საყურადღებო: ღმერთს სამოელი თუ მუდამ მტკიცე მეტოქეობას უწევს, უშმაკი თითქმის ყოველთვის მარცხდება.

“ქვეყნის შექმნის” ერთ-ერთი მთავარი მოტივთაგანი მიწისაგან ადამიანის გაჩენაა. ეს მოტივი გვხვდება ჭერ კიდევ შუმერულ ლეგენდაში, მაგრამ იქ ცოტა თავისებურადაა მოცემული: ღმერთები თავისი მეტოქის — აბზუს სისტომით მოზელენ თიხას და აღამიანს ამ გზით გააჩენენ (ზ. კოსიდოვსკი, 1968, გვ. 27). გილგამეშის ეპოსშიაც ნათქვამია, რომ აზილეს თიხა. ბიბლიაში ვეცნობით: ღმერთი თიხას გამოქერწავს, მერე სულს შთაბერავს და ასე ქმნის ადამიანს “ხატად და მსგავსად თვისად” (ძეგლი აღთქმა; 1998, გვ. 6).

სვანური ლეგენდის მიხედვით, “შემდეგ წყლისა და ხმელეთის გაყოფისას, ლმერთმა შვიდი დღის განმავლობაში გააჩინა ყველა ცხოველი კაცითურთ. პირველი კაცები იყვნენ ევა და ადამი. ლმერთმა მიწა ამოიღო, ჩაბერა სული და გაჩნდნენ ევა და ადამი ორივე ბრძანი” (ზ. ნიუარაძე, 1962, გვ. 139).

ჩვენი აზრით, მიწისაგან ადამიანის გაჩენის მოტივს ქართველი ხალხი გაცილებით უფრო ადრე იცნობდა, სანამ ბიბლია ითარგმნებოდა. როგორც ცნობილია, ჩვენი წინაპრები ერთ-ერთი უძველესი მიწათმოქმედი ხალხი იყო მსოფლიოში. ამ მოტივში მიწისადმი ადამიანის უჩვეულო სიყვარული აირევდა. ჩვენი ხალხის ეს ძვირფასი თვისება უცხოელ მკვლევრებსაც კი შეუნიშნავთ. მაგალითად, ი. კლინგენი წერს: “ქართველები ისე შესისხლხორცებული არიან მიწასთან, როგორც არავინ არსად დედამიწის ზურგზე” (გ. ჩიტაია, 1964, გვ. 169). ასე რომ, მიწისაგან ადამიანის გაჩენის მოტივი არ უნდა იყოს ბიბლიის გავლენით შექმნილი, იგი უნდა ჩასახულიყო მიწათმოქმედების განვითარებასთან ერთად.

შუმერთა ლეგენდისა და ბიბლიის მიხედვით, აღამიანების გაჩენის შემდეგ ლომერთი მათ ედემს ანუ სამოთხეს შეუქმნის. სვანურ ვარიანტში სამოთხე სულაც არაა ნახსენები. თანაც აღამს და ევას ლმერთი კი არა, მიქელ მთავარანგელოზი პატრიონობს, იგი მიუჩენს მათ საცხოვრებელ ადგილს. “მიქელ მთავარანგელოზმა დაუნიშნა მათ სამყოფი აღგილი და დაუბარა, რომ სანამ მე არ მოვიდე, მანამ არავის არაფერი გაუგონოთო და გასწია თავისთვის” (ბ. ნიუარაძე, 1962, გვ. 138).

ბიბლიის მიხედვით, აღამს და ევას ცნობადის ხის ჭამა აქვთ აკრძალული. ქართულ ლეგენდებში კი ცნობადის ხე საერთოდ არ არის ნახსენები; ზოგ ვარიანტში ზოგადად “ერთ რიგ” ხილზეა საუბარი, ზოგჯერ კი აკრძალული ლელვია:

ყოველი ხილი მიირთვი, ყოვლიერათ მოსახდენი,  
ლელვი არავინ შეგტყულს, საძაგლათ შესაჭმელი.  
(ფოლ. არქივი, უმიკაშვილისეული, გვ. 217).

სვანურ ლეგენდაში კი აკრძალულ ხილად ვაშლი იხსენიება (ბ. ნიუარაძე, 1962, გვ. 139).

გილგამეშის ეპოსში, ბიბლიასა და ქართული ლეგენდების მრავალ ვარიანტში აღამიანს ბედნიერებასა და უკვდავებას გველი აკარგვინებს. სვანური ლეგენდა კი მოგვითხრობს, რომ “ევა და აღამი მარტო დარჩენ. ამ დროს მოვიდა მათთან სამოელი თხის სახით და უთხრა: რას გაჩერებულხართ, აი თქვენს ახლოს ვაშლის ხეა, აცოცდით მასზე, სჭამეთ მისი ნაყოფი და თვალხილული იქნებითო. ევამ დაუჭერა, აცოცდა ხეზე, მოსწყვიტა ვაშლი, ჩაბიჩა და მერე აღამს გადასცა” (იქვე, გვ. 139). გველის მაგივრად ძაცდუნებლად რომ აქ ეშმაკია გამოყვანილი, ეს მომენტი აპოკრიფის გავლენის შედეგი უნდა იყოს. ეს აპოკრიფია: “საკითხავი ადამ და ევაის სამოთხით გამოსვლისაი”.

ქართულ ფოლკლორში გვხვდება მრავალი აპოკრიფული ლეგენდა, რომელიც, ხშირ შემთხვევაში, “ღმრთისმშობლის მიმოსვლას” უკავშირდება. ამასთან ქართულ აპოკრიფულ ლეგენდებში წარმართული რწმენის გადმონაშთებიც შეიმჩნევა.

ქართველ ტომებს სულის უკვდავებისა და საიქიოს შესახებ წარმართობის ხანგრძლივ ებოქაში გარკვეული შეხედულებანი გამოუმუშავებიათ.

ვაჟა-ფშაველა ერთ თავის წერილში აღნიშნავდა: “ფშაველის წარმოდგენით საიქიო ქვეყნის შუაგულში არის; საიქიოს ის ეძახის “შავეთ”. შავეთში მართალნი არიან მკრთალს ნათელში. ეს ნათელი ისე აქვს წარმოდგენილი ფშაველს, როგორც ჩასულის მზის ახლად გამქრალი სხივები მთის წვერებზედ; ყველამ იცის, რომ მთის წვერები ცოტად-და არიან ამ დროს წითლები, ამას ფშაველი ეძახის “მკვდართა მზეს” (ვაჟა-ფშაველა, 1956, გვ. 16).

დაახლოებით ასეთივეა “სვანების საიქიოც”. მობიბინე ბალახით დაფარულ შუა მინდორში ბრძანდება ქრისტე. მას წინ უდგას სხვადასხვა სანოვაგით სავსე სუფრა, მთელი მინდორი მზითაა განათებული, ქრისტეს სიახლოვეს მეტი მზე და სინათლეა, მისგან დაშორებით კი სხივთა სიკაშვაშე იკლებს. ამიტომ ვინც ქრისტესთან ახლოსაა, ის უფრო კმაყოფილია (ბ. ნიუარაძე, 1962, გვ. 128).

აქ ქრისტე გვიანდელი დროის დანამატი უნდა იყოს. ამას აღასტურებს ბ. ნიუარაძეც: “სვანეთის კარგი სასულეთიც, ან სამოთხე ბევრად ჩამოუგარდება

ქრისტეს სასუფეველსა, შესანიშნავია, რომ სვანების სამოთხეში მამა ღმერთს ადგილი არა აქვს და სული წმინდის ხსენება სულ არ არის. სვანი არასოდეს არ გაურევს ღვთის მსხვერპლს მიცვალებულის საკურთხს (იქვე, გვ. 180).

როგორც ფშაველთა, ისე სვანთა ზემოთ მოტანილ წარმოდგენებში მთვარია მზე. ისაა ადამიანთა მასულდგმულებელი და გამხარებელი როგორც ამ ქვეყნად, ისე საიქიოში; ქრისტე კი ზის სულებთან და მათ ბედს იზიარებს. სულები თანატოლივით შეჰყურებენ მას, ემუსაიფებიან კიდეც. ქრისტეს იმიტომ უჭირავს საიქიოს შუაგული, რომ იქ მეტი მზეა. ამგვარად, “სვანთა საიქიოს” წარმოდგენაში წინა პლანზე წამოწეულია მზე, რაც ამ მნათობის თაყვანისცემის მანიშნებელია. სვანები მზეს უფრო სცემდნენ თაყვანს, ვიდრე მთვარეს; მათი რწმენით, მზე და მთვარე ძმები არიან. “ერთხელ ღმერთმა გამოუცხადა მზის და მთვარის დედებს, რომ მათ ეყოლებათ ვაჟიშვილები. ამათგან ერთი იქნება დღის მანათობლად და მეორე - ღამისა, იმის მიხედვით, ვინ გაიღვიძებს აღრე დედების დაუხმარებლად. მთვარე, რათა აღრიანად გაეღვიძა, ჩაწვა ეკლიან ლოგინში, დიდხანს არ დაეძინა, მხოლოდ გამთენისას მილულა თვალი. მზე კი აღრე დაწვა, აღრევე გაეღვიძა და მოჰყონა სხივი დედამიწას (ვ. კოტეტიშვილი, 1934, გვ. 358). მზე რომ გაცილებით დიადი და ძლევამოსილია, მთვარესთან შედარებით, ამას ადასტურებს ერთი სვანური თქმულება, რომელშიაც თქმულების გმირი მაფუნჩხიერი მთვარეს ეხვეწება: “მზესთან შემწეობა გამიწიეთო”. მთვარე მზეს მორიდებით გადასცემს მაფუნჩხიერის დანაბარებს (იქვე).

მზისადმი სვანთა თაყვანისცემა ყველაზე კარგად ჩანს უძველეს საგალობელში “ლილე”. ამიტომ არ არის გასაკირი, მზის კულტმა “სვანთა საიქიოშიც” თუ იჩინა თავი. სვანთა საიქიოში სმა-ჭამა არ არის, მაგრამ სასმელ-საჭმელი აუცილებელია. ამიტომ ჭირისუფალი ყოველთვის ცდილობს თავის მიცვალებულს კარგი საკურთხი გაუკეთოს. სვანთა წარმოდგენით, სულები საიქიოში გაშლილ სუფრასთან სხედან და საჭმლის სუნითა და მისი ცქერით ტკბებიან.

ბ. ნიუარაძის გადმოცემით, სვანები მხოლოდ სინათლეში ვახშმობენ, სიბნელეში სმა-ჭამა თურმე დიდ სირცვილად მიაჩნიათ. ამ ჩვეულებას მათ “საიქიოშიც” უპოვია გამოძახილი. სვანთა რწმენით, წაწყმედილ მიცვალებულებს სულეთში ცალკე კუნძული უჭირავთ, საღაც ისეთი სიბნელეა, ერთმანეთს ვერ არჩევენ. ჭირისუფლის საკურთხი მათაც მისდით, მაგრამ საჭმელი უგემურია, უმარილოა, რაღაც სიბნელეში უნდა მოიხმარონ (ბ. ნიუარაძე, 1962, გვ. 178).

სულთა-შავეთის ციკლის ნაწარმოებებში ხშირად იხსენიება, რომ საიქიოში მთის ცივი წყაროებია, რომელიც სასმელად ძალიან გემრიელია. ს. მაკალათიასეულ ვარიანტში ნაირფერი საჭმლით გაშლილ სუფრას ამშვენებს მთის ცივი წყალი და მარილი. მთიელი, რა თქმა უნდა, მთის წყაროს სიკვდილის შემდეგაც ვერ შეელევა და საიქიოს უიმიშოლ ვერ წარმოიდგენს. მარილს კი ძველად, ყოველდღიურ საჭიროებასთან ერთად, საღვთო დანიშნულებაც ჰქონდა. მაგალითად, სვანები მსხვერპლს უმარილოდ ვერ შესწირავდნენ. ისინი მარილს იმ ფქვილში ურევდნენ, რომლიდანაც ღვთის შესაჭირავი პური (ლემზირ) უნდა გამოეცხოთ. მარილს უეჭველად გადააყრიდნენ, აგრეთვე, მიცვალებულთა საბატივცემულოდ გაშლილ სუფრას (იქვე, გვ. 180).

სვანებს ღრმად სჭერათ, რომ მიცვალებულთა სულები ცოცხლებთან კავშირს არ წყვეტინ, “რადგან მიცვალებულის სული შეიძლება ცოცხლებთან გარკვეულ — კეთილ ან მტრულ დამოკიდებულებაში იმყოფებოდეს, ამის გამო

გარდაცვლილთა სულებს სხვადასხვა წესით იმადლიერებენ, მათთან კეთილ განწყობილებას ამყარებენ” (შ. ჩიქოვანი, 1946, გვ. 352).

მიცვალებულთა სულების მოსამადლიერებლადაა სვანეთში დაწესებული დღეობა „ლიფანალი”. სვანთა რწმენით, ყოველი წლის 5 იანვარს ჭირისუფლებს საიქიოდან ესტუმრებიან სულები და პირველ ორშაბათამდე რჩებიან.

ამ დღეობისათვის ჭირისუფლები საგანგებოდ ეზადებინ, ცდილობენ, რაც შეიძლება გულუხვი სუფრა გაშალონ, რადგან თუ მომდურავი გაუშვეს მიცვალებულთა სულები, უკანასკნელი სასტიკად დასჭიან: მოუვლენენ სწორებას, მოუკლავენ ოჯახის წევრს, წაუხდენენ ნახნავ-ნათესებს, ამოუწყვეტენ პირუტყვს და სხვა მრავალს უბედურებას გადაჰკიდებენ” (შ. ნიუარაძე, 1962, გვ. 182).

სვანთა შეხედულებით, ცოდვილი სასტიკად ისჯებიან საიქიოში, ჭოჭოხეთში. მათი ზეობრივი კოდექსით მყაცრად იყო დაცული ნათელმირონობა. ნათელმირონობის გამტეხნი, მათი აზრით, საიქიოში ფისის ტბაში იტანჯებიან და მათ საკურთხიც არ მისდით. ხალხურ ლექსებშიც ამგვარადვეა ასახული:

ნათლიის უბატიურსა ცეცხლში უდგია ფეხია

(ფოლკ. არქივი, უმიკაშვ. № 225).

ნათელმირონობის შებლალვა მკვლელობასთან არის გათანაბრებული:

კუპრი დუღს, კუპრი გადმოდის, კუპრი ქოთქოთებს ცხელია,

კაცისა მკვლელიც იქ არის, ნათლიის შემგმენელია...

თავზე ადგიათ ეშმაკი, რომელიც უფრო შტერია.

(ფოლკ. არქივი კ<sup>165</sup>, გვ. 31).

ჭოჭოხეთის ციკლის ფოლკლორულ ნაწარმოებებში, ქრისტესთან ერთად, ეშმაკიც ხშირად ფიგურირებს. სვანურ ლეგენდაში ეშმაკი სამოელად იხსენიება. სამოელსა და ქრისტეს შორის მწვავე ბრძოლაა გაჩაღებული. ქრისტე სამოელს ხელწერილ ანუ “საფიცარს” რომ წაართმევს, ეს უკანასკნელი გაბრაზდება და ისე დააბნელებს ჭოჭოხეთს, რომ ქრისტე და მისი მხლებლები ჭოჭოხეთიდან გამოსასვლელ გზას ვერ პოულობენ. ქრისტე მხლებლებს მიმართავს, ეგება ვინმე კარს მიაგნოთ. ასეთი კაციც გამოჩნდა, რომელსაც ჭოჭოხეთში შესვლისას გარეთ დაეტოვებინა ვირი, რომელმაც იცნო პატრონის ხმა და გამოეხმიანა. ამ კაცმა ჭოჭოხეთიდან გაყვანის საფასურად საჩუქარი მოითხოვა. ქრისტე იმდენ ოქროს შეპარდა, რამდენსაც ეს კაცი აიწონიდა. ჭოჭოხეთიდან რომ გამოვიდნენ, ვირის პატრონმა უბიდან კაცის გული ამოილო და ქრისტეს უთხრა: “ეს გული დამითარე ოქროთი და მეტი მე არათერი მინდაო. ქრისტემ გულზე უნგარიშო ოქრო დააყარა, მაგრამ გული მაინც ვერ დაჰთარა: რამდენსაც მეტ ოქროს დააყრიდა, იმდენჯერ გული ზევით ხტებოდა ... ამ დროს გამოვიდა ერთი კაცი, აიღო ერთი მუჭა მიწა და გულს დააყარა. გული მაშინვე მოკვდა და გაჩერდა (პ. უმიკაშვილი, 1937, გვ. 223).

სვანურ ლეგენდებში ქრისტე ღმინდა მარიამი ხშირად ადამიანის შემწედ გვევლინებიან, მაგრამ მათ ზოგჯერ გვარიანი განრისხებაც იციან. ერთი სვანური ლეგენდა მოვითხრობს, ფუთა დალეშელიანის და მისი მხლებლების გამო, უშგულელებზე ღვთისმშობლის გაბრაზებას. მან უშგულელებს ასეთი სასერი მოუვლინა: დაე, ყველა ძროხა ბერწად დარჩეს და ერთი წვეთი რძეც ვერ გამოიწველოს. დასჭილმა სოფელმა სამი წლის შემდეგ მსხვერპლის შეწირვითა და ლოცვა ვედრებით ძლიერს მოალბო წმინდა მარიამის გული და სასწელი მოახსნევინა (პ. ბარნოვი, 1964, გვ. 243).

სვანურ ლეგენდებში მნიშვნელოვანი ადგილი უჭირავს წარლვნას, როგორც დიდ, ისე მცირეს და ასევე მოსალოდნელ აპოკალიფსს. ამ მხრივ საინტერესოა ლეგენდა „ღვთისმშობლის და დევის ჩხუბი“. უშგულის ლამარია, ანუ ოვთისმშობელი მოსწონებია ღვთა მეფეს და მისი ცოლად შერთვა განუზრახავს. ლამარიას უარი უთქვამს. დევი განრისხებულა. ენგურის ხეობაში ყველაზე ვიწრო ადგილი შეურჩევია, შიგ ჯებირი ამოუშენებია და მდინარე შეუგუბებია. წყალს მთებამდე აუწევია და მთელი სოფელი წარლვნის მოლოდინში ყოფილა. ლამარიას და წმინდა კვირიკეს გამოუშვიათ ვერძები, რომლებიც ჯებირს დასჭახებიან, წყალი გაუშვიათ და სოფელი დაღუპვას გადაურჩენიათ (ძველი საქართველო, 1914, გვ. 35).

ქართულ ლეგენდებში ხალხს რომ მფარველობენ და წარლვნისგან იხსნიან, გვევლინებიან ხარი, ვერძი და ლორი, რაც შემთხვევითი არ უნდა იყოს. აქ იმ უშორესი ებოქის გამოძახილია, როცა ჩვენი წინაპრების შეგნებაში ტოტემისტური რწმენა ბატონობდა და ზოგიერთ ცხოველს ღვთიურ არსებად მიიჩნევდნენ. ამის შესახებ ქართლის ცხოვრებაშიც არის ნათქვამი.

ხარის კულტთან დაკავშირებით საინტერესო ცნობებს გვაწვდის ნიკო მარი. იგი აღნიშნავს: „სვანები და აფხაზები ხარს წმინდა ცხოველად მიიჩნევდნენ, სამსხვერპლო ხარს სვანები ყანიდანაც არ გამოდევნიდნენ, ისე დიდი იყო მათი მოკრძალება ამ მუშა პირუტყვისაღმი“ (ნ. მარი, 1922, გვ. 16).

ხარის კულტი გავრცელებული იყო არა მარტო სვანეთში, არამედ სრულიად საქართველოში. ხარი ნაყოფიერებასა და კერის კულტთან იყო დაკავშირებული.

რაც შეეხება ლეგენდაში ნახსენებ ბოროტ არსებას — დევს, რომელიც ზოგჯერ ფოლკლორში ვეშაპს (ან გველეშაპს) ენაცვლება, გვიანდელი შემოსული უნდა იყოს (გ. ჩიქოვანი, 1949, გვ. 262). „დევი“ ქართული სიტყვა არაა. იგი ქართულში აღმოსავლეთის გავლენით გაჩნდა (გ. ჩიქოვანი, 1959, გვ. 166).

ამრიგად, კოსმოგონურ, აპოკრიფულ, წარლვნის ლეგენდებში მოიპოვება როგორც წარმართული, ისე ქრისტიანულ-რელიგიური რწმენის კვალი.

## დამოწმებული ლიტერატურა

- ე. არქევანიძე, 1971** — ე. არქევანიძე, ანოტირებული ბიბლიოგრაფია, თბ., 1971.
- გ. ბარნოვი, 1964** — გ. ბარნოვი, თხზულებანი, ტ. X, თბ., 1964.
- ქ. გამსახურდია, 1965** — ქ. გამსახურდია, უკვდავი ფლორენციელი, “ლიტ. საქართველო”, №27, თბ., 1965.
- ვაჟა-ფშაველა, 1956** — ვაჟა-ფშაველა, თხზულებანი, ტ. VII, თბ., 1956.
- “კავკაზი”, 1905** — Кавказ, №99, 1905.
- გ. კოტეტიშვილი, 1934** — გ. კოტეტიშვილი, ხალხური პოეზია, ქუთ., 1934.
- გ. კოსიძოვსკი, 1968** — გ. Косидовский, Вабльейские сказания, М., 1968.
- ქ. კოკიარა, 1960** — Дж. Коккяра, История фольклористика в европе, М., 1960.
- ბ. მარი, 1922** — Н. Mapp, Тольши, II, 1922.
- ბ. ნიუარაძე, 1962** — ბ. ნიუარაძე, ისტორიულ-ეთნოგრაფიული წერილები, I, თბ., 1962.
- ბ. უმიკაშვილი, 1937** — ბ. უმიკაშვილი, ხალხური სიტყვიერება, I, თბ., 1937.
- ქ. ფრეზერი, 1931** — Дж. фрезер, Библейские сказания, 1931.
- ქართული ფოლკლორი, 1974** — ქართული ფოლკლორი, IV მასალები და გამოკვლევები, თბ., 1974.
- ნ. შამანაძე, 1973** — ნ. შამანაძე, ქართული ხალხური ლეგენდები, თბ., 1973.
- გ. ჩიქოვანი, 1946** — გ. ჩიქოვანი, ქართული ფოლკლორი, თბ., 1946.
- გ. ჩიქოვანი, 1938** — გ. ჩიქოვანი, ქართული ხალხური ზღაპრები, თბ., 1938.
- გ. ჩიქოვანი, 1949** — გ. ჩიქოვანი, ვეშაპთმებრძოლი გმირი და წმინდა მხედარი, თბი შრომები, VII, თბ., 1949.
- გ. ჩიქოვანი, 1959** — გ. ჩიქოვანი, ქართული ეპოსი, თბ., 1959.
- გ. ჩიტაა, 1964** — გ. ჩიტაა, ქართველი ხალხის სამეურნეო ყოფა და მატერიალური კულტურა, თბ., 1964.
- ძველი აღთქმა, 1898** — ძველი აღთქმა, 1898.
- ძველი საქართველო, 1914** — ძველი საქართველო, ტ. II, თბ., 1914.
- ი. ჭავჭავაძე, 1941** — ი. ჭავჭავაძე, თხზ. სრ. კრებული, II, თბ., 1941.
- ხალხური სიბრძნე, 1964** — ხალხური სიბრძნე, III, ელ. ვირსალაძის რედ. თბ., 1964.
- ჯავახიშვილი, 1960** — ი. ჯავახიშვილი, ქართველი ერის ისტორია, I, თბ., 1960.

**NORA NIKOLADZE-LOMSIANIDZE****LEGENDS AND CUSTOMS OF SVANETI**

Legend is the independent genre of folklore, which is based on the religious faith and represents the fantastic stories as reality. The notes about legends are few in scientific literature, the reason is that legend is considered as the variation of the fairy tale which is a mistake.

The famous researcher Mikheil Chikovani gave the legend its proper place among the different genres of fairy tale. The legend originates from the ancient times. We know that the people of Mesopotamia had legends in the III century B.C. Originally, legend stood for the life of saints and the passages reflecting their martyrdom, they were read during church services dedicated to those saints. After that the term denotes Christian (non-Christian as well) religious-didactic stories. Besides the church people, the legends were also assigned to secular people - kings, lords, famous public men and their lives were veiled in religious framework. Researchers envisage the reflection of reality if legends. The same is confirmed by Ilia Tchavtchavadze, Akaki Tsereteli, Vaja-Pshavela. Konstantine Gamsakhurdia recognizes the legend as a condenser of history. According to him "the history of every nation originates from legends". The same idea is expressed by Giuseppe Cociarro in his book "the history of European folk culture".

As it is well-known Christian religion was being formed in the clash with pagan faith in Georgia. Holy scriptures and Apocryphal literature prepared the nourishing sole for creating and spreading numerous new legends. Legends are prevalent in different parts of Georgia. In this case the subject matter of our interest is the Svanetian legends and customs. This part of Georgia keeps the legends of different origin - cosmogon, apocryphal, biblical flood (great and small floods) time, historical, etc. reflecting the Christian as well as pagan faith. There are also legends which convey the both traits. Svaneti is also rich with its customs. The work presents the relevant examples.